



**Tasiilami efterskolemik pilersitsinissaq siunertaralugu pilersaarummik UPA 2023-mi Naalakkersuisut saqqummiusseqqullugit Inatsisartut aalajangiiffigisassaattut siunnersuut.**

(Inatsisartunut ilaasortaq Mala Høj Kuko, Siumut)

(Siullermeerneqarnera)

**Tasiilami adventure efterskolemik pilersitsinissamik Naalakkersuisut peqquneqarnissaannik siunnersuut.**

(Inatsisartunut ilaasortaq Harald Bianco, Inuit Ataqtigiit)

(Siullermeerneqarnera)

Qujanaq siunnersuuteqartunut.

Qularutissaanngilaq, Tunumi siuarsaanissaq pisariaqartoq, efterskolemillu pilersitsinissamik siunnersuut pitsaasuvoq, siusinnerusukkut maani Inatsisartuni eqqartorsimasarput. Taamani 2010-mi Inatsisartuusimasut aaliangertussaasimapput efterskole sumi inissinneqassanersoq. Taamani Demokraatit Inatsisartunut ilaasortaataa Justus Hansen siuttuusimalluni, efterskole nutaap Tasiilami inissinneqarnissaannik, siunnersuuteqartullu, taamani tungavilersuutaasut assiginik tungavilersuuteqarlutik, maanna siunnersuuteqartut saqqummiussipput. Taamani amerlanerussuteqartut akerlianik efterskole Maniitsumut inissinneqassasoq toqqarpaat.

Maannalu apeqquterujunngorpoq, efterskolenut pingasunut naammattunik atuartussaqaarnersoq. Imaluunniit siunnersuuteqartut isumaqarpat, maannakkut efterskoliusunit ataaseq matuneqassasoq Tasiilami efterskole inissaqartinniarlugu? Taassumunnga akissutisinissara qilanaaraara.

Aamma akissutiserusuppara, siunnersuuteqartut Tasiilami efterskolimut qanoq ilillutik ilinniarsimasunik ilinniartitsisussarsiorniarnersut. Tusagassiuutinimi oqaluttuat nutaat takutimassuk, Tasiilami annertuumik ilinniartitsisussaaleqisoqartoq.

Taamatut oqareerlutik, Demokraatit tassa isumaqarput, Tasiilap ineriartortinnissaa pingaarteqartoq, taamaattumillu silatusaarnerusaaq Tasiilami ilinniakkanik pilersitsinissamut iliuusissatut pilersaarusiornissaq. Tamanna isumaqatigaarput.

Taamatut oqaaseqaateqarluta Naalakkersuisut siunnersuutaat Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliamut suliareqqitassatut innersuunneqarpoq.